


INFORMACIJA O PODNESENIM GODIŠNJIM FINANSIJSKIM IZVJEŠTAJIMA POLITIČKIH STRANAKA ZA 2023. GODINU SA IZVORIMA FINANSIRANJA

Zakonom o finansiranju političkih stranaka („Službeni glasnik BiH“, broj: 95/12 i 41/16), u članu 12. stav (1), propisano je da su političke stranke dužne voditi evidenciju o svojim prihodima i rashodima, te Centralnoj izbornoj komisiji Bosne i Hercegovine podnijeti finansijski izvještaj za svaku kalendarsku godinu (računovodstvenu godinu). Finansijski izvještaj se, u skladu sa odredbom iz člana 12. stav (4) ovog Zakona, podnosi do 31.3. naredne godine, u formi koju je Centralna izborna komisija Bosne i Hercegovine propisala Pravilnikom o godišnjim finansijskim izvještajima političkih stranaka („Službeni glasnik BiH“, broj: 96/13, 89/16 i 5/22).

U vezi sa navedenim Centralna izborna komisija Bosne i Hercegovine je uputila akt svim političkim strankama, kojim ih je upozorila na zakonsku obavezu podnošenja godišnjeg finansijskog izvještaja za 2023. godinu do 31. marta 2024. godine.

Godišnji finansijski izvještaj za 2023. godinu podnijelo je 138 političkih stranaka, što čini 73,80% od ukupno 187 političkih stranaka sa evidencije Centralne izborne komisije Bosne i Hercegovine. U prilogima uz informaciju, navedene su političke stranke koje su podnijele godišnji finansijski izvještaj. (Prilog 1)

Godišnji finansijski izvještaj za 2023. godinu, Centralnoj izbornoj komisiji Bosne i Hercegovine nije podnijelo 49 politička stranka, što čini 26,20% od ukupnog broja političkih stranaka sa evidencije Centralne izborne komisije Bosne i Hercegovine. (Prilog 2)



Grafikon broj 1: Procenat podnesenih finansijskih izvještaja

Među političkim strankama koje nisu podnijele godišnji finansijski izvještaj za 2023. godinu je 17 političkih stranaka koje nisu podnijele izvještaj za 2022. godinu i 18 političkih stranaka koje nisu podnijele finansijski izvještaj za 2021. godinu.

Političkim strankama koje nisu podnijele godišnji finansijski izvještaj za 2022. godinu Centralna izborna komisija BiH je na svojoj 15. sjednici, održanoj 09.04.2024. godine, izrekla administrativnu mjeru kojom se političkim strankama uskraćuje pravo da se kandiduju na narednim izborima.

Političkim strankama koje nisu podnijele godišnji finansijski izvještaj za 2021. godinu Centralna izborna komisija BiH je na svojoj 36. sjednici, održanoj 04.05.2023. godine, izrekla administrativnu mjeru kojom se političkim strankam uskrađuje pravo da se kandiduju na narednim izborima.

Političkim strankama koje nisu podnijele godišnji finansijski izvještaj za 2023. godinu, propisan odredbama iz člana 12. stav (4) Zakona o finansiranju političkih stranka, Centralna izborna komisija BiH će uputiti urgenciju za dostavljanje istih, čime im se u skladu sa odredbom iz člana 14. stav (3) Zakona o finansiranju političkih stranka daje mogućnost da prije izricanja kazne ili preduzimanja administrativne mjere, dobrovoljno postupe i podnesu finansijske izvještaje.

U skladu sa odredbama člana 3. stav (1) Zakona o finansiranju političkih stranaka, političke stranke se mogu finansirati iz:

- a) članarina,
- b) dobrovoljnih priloga pravnih i fizičkih lica,
- c) izdavačke djelatnosti, prodaje propagandnog materijala i organiziranja partijskih manifestacija,
- d) prihoda od imovine u vlasništvu političke stranke,
- e) budžeta BiH, entitetskih budžeta, kantonalnih budžeta i budžeta Brčko distrikta BiH, te budžeta drugih jedinica lokalne uprave i samouprave u skladu sa zakonom i
- f) dobiti od preduzeća koja su u vlasništvu političke stranke.


Prema podacima iz finansijskih izvještaja, političke stranke su se u 2023. godini finansirale iz sljedećih izvora, kao što je navedeno u tabeli broj 1:

(1) Prihodi	Iznos (KM)	Struktura
- Članarina	1,806,222.60	7,40 %
- Prilozi fizičkih lica	1,349,309.41	5,53 %
- Prilozi pravnih lica	103,450.00	0,42 %
- Prihodi od imovine političkih stranaka	880,899.66	3,61 %
- Dobit od pravnih lica u vlasništvu stranke	0,00	0,0 %
- Prihodi od poklona i usluga što ih stranka nije imala obavezu platiti	225,338.98	0,92 %
- Prihodi iz budžeta	19,495,273.33	79,89 %
- Prihodi od izdav. djelatnosti, prodaje prop. materijala i organiz. stranačkih manifestacija	0,00	0,0 %
- Ostali prihodi	541,901.83	2,22 %
Ukupan prihod	24,402,395.81	100,00 %
(2) Dugovanja političkih stranaka na dan 31.12.2023. godine	6,186,010.61	


Tabela broj 1: Struktura izvora finansiranja političkih stranaka u 2023. godini

Podaci o izvorima finansiranja svake političke stranke pojedinačno, te struktura prihoda, navedeni su u Prilogu 3.

Struktura izvora finansiranja političkih stranka u 2023. godini i struktura prihoda predstavljene su na grafikonu broj 1 i grafikonu broj 2:



Grafikon broj 2: Grafički prikaz strukture izvora finansiranja političkih stranaka u 2023. godini



Grafikon broj 3: Grafički prikaz strukture prihoda političkih stranaka u 2023. godini

U tabeli broj 2. dat je uporedni pregled izvora finansiranja političkih stranaka u periodu od 2020. do 2023. godine.

(1) Prihodi	2020. godina	2021. godina	2022. godina	2023. godina
- Članarina	1.805.651,30	1,552,197.45	1,701,340.36	1,806,222.60
- Prilozi fizičkih lica	2.811.977,97	1,773,834.18	5,843,312.76	1,349,309.41
- Prilozi pravnih lica	357.161,82	68,750.00	622,457.59	103,450.00
- Prihodi od imovine političkih stranaka	462.383,65	531,032.58	639,303.41	880,899.66
- Dobit od pravnih lica u vlasništvu stranke	0,00	0,00	0,00	0,00
- Prihodi od poklona i usluga što ih stranka nije imala obavezu platiti	224.350,27	232,020.86	289,033.98	225,338.98
- Prihodi iz budžeta	15.550.506,55	18,929,473.18	19,481,493.94	19,495,273.33
- Prihodi od izdav. djelatnosti, prodaje prop. materijala i organiz. stranačkih manifestacija	0,00	0,00	0,00	0,00
- Osta li prihodi	355.666,81	519,554.49	992,498.81	541,901.83
Ukupan prihod	21.567.698,37	23,606,862.74	29,569,440.85	24,402,395.81
(2) Dugovanja političkih stranaka	9.140.535,18	7,223,930.13	9,930,363.70	6,186,010.61

Tabela broj 2: Struktura izvora finansiranja političkih stranaka u periodu od 2020. do 2023. godine

U skladu sa odredbom iz člana 13. stav (5) Zakona o finansiranju političkih stranaka i odredbom člana 29. stav (1) Pravilnika o godišnjim finansijskim izvještajima političkih stranaka Centralna izborna komisija Bosne i Hercegovine godišnje finansijske izvještaje političkih stranaka, sa podacima o izvorima finansiranja objavljuje na svojoj web stranici www.izbori.ba.

25.04.2024. godine

PREGLED PRILOGA:

- Prilog 1 - Pregled političkih stranaka koje su podnijele godišnji finansijski izvještaj za 2023. godinu
- Prilog 2 - Pregled političkih stranaka koje nisu podnijele godišnji finansijski izvještaj za 2023. godinu
- Prilog 3 - Struktura izvora finansiranja političkih stranaka u 2023. godini